



---

## Beinvegni al niev onn da scola 2021/22!

Breil/Danis, ils 09.08.2021

Caras scolaras, cars scolars

Preziai geniturs

Jeu sperel che Vus passenteies ina buna stad, e ch'ei mondi bein cun Vus e Vossas famiglias. Il niev onn da scola stat avon porta, ed jeu sevolvel tier Vus cun enqual informaziun.

### Emprem di da scola

- Sche geniturs vulan accompagnar lur affons a scola igl emprem di, sche ei quei pusseivel tochen la pausa gronda digl avonmiezdi, risguardond las mesiras da higiena e da distanza (mirei era aschunta „Scola malgrad corona“).
- Ils survetschs divins da scola per l'entschatta digl onn da scola han liug a Breil allas 08:15, a Danis allas 10:45. Las novas prescripziuns da covid 19 lubeschan pli aults diembers da visitaders a caschun da survetschs divins. Per denton buca survargar quei diember, eis ei pusseivel da mintgamai in genitur visitar ils survetschs divins.

### Covid 19

- Covid 19 cun sias consequenzas vegn ad accompagnar nus era el niev onn da scola.
- Per las scolaras ed ils scolars valan las medemas mesiras che valevan la fin digl onn da scola 20/21.
- Il document aschuntau „Scola malgrad corona“ dat ulteriuras informaziuns pli detagliadas.

### Meisa da miezdi

- Secund il diember d'annunziadas dat ei duas fuormas da meisas, numnadamein en in'ustria a Breil, ni tier ina famiglia dad ina conscolara/in conscolar.
- Las famiglias ch'ei s'annunziadas per la meisa da miezdi retscheivan quels dis in mail d'informaziun separau en caussa.

### Luvrer social da scola

- Il luvrer social da scola dalla SB ei signur Jürg Marguth (079 657 02 52, [juergmarguth@gmx.ch](mailto:juergmarguth@gmx.ch)).
- Il survetsch - che la Scola Breil porscha gratuitamein - ei cheu aschibein per scolaras e scolars, geniturs, persunas d'instrucziun.

### Survetsch psicologic

- Quei survetsch vegn mess a disposiziun gratuitamein entras il Cantun, ed ei medemamein cheu per scolaras e scolars, geniturs, persunas d'instrucziun.
- La psicologa da scola per la SB ei signura Manuela Rensch (081 257 62 26, [manuela.rensch@avs.gr.ch](mailto:manuela.rensch@avs.gr.ch))

### Controla da lendels e plugs

- Las controllas han liug sco suonda: 18.08.21, 12.01.22
- Informaziuns detagliadas ein d'anflar el document aschuntau.

### [www.scolasbreil.com](http://www.scolasbreil.com)

- Cheu anfleis Vus informaziuns relevantas davart la Scola Breil.
- Ella rubrica „Agenda“ ei il calender d'occurrentas d'anflar.

### pdi da classa

- Ulteriuras infos davart igl onn da scola suondan (ni ein gia succedidas) entras la pdi (persuna d'instrucziun) da classa.
- La pdi da classa ei da principi l'emprema istanza da contact, aschibein per scolaras e scolars, sco era per geniturs.

Per damondas en connex cull'organisaziun dil niev onn da scola, supplicheschel jeu Vus da contactar il secretariat ([administraziun@scolasbreil.ch](mailto:administraziun@scolasbreil.ch), 079 366 86 78).

Da cor giavischel jeu uss in bien onn da scola 21/22, e restel culs megliers salids

Francestg Friberg, menader da scola



## La controlla da lendels e plugls

Preziai geniturs!

Miu num ei Selina Fontana, ed jeu sun la responsabla per la controlla da lendels e plugls per nossa scola.

Ensemen cun mias gidontras fagein nus duas gadas ad onn ina controlla preventiva en scola (18.08.2021 ed ils 12.01.2022).

- ***Avon las controllas en scola, mirei che Vies affon hagi fatg si cavels, ch'el hagi negin grass ni schel els cavels, e che cavels senza plugls seigien buca tractai cun mieds encunter plugls.***

Nus (il team da controlladras) fagein nies pusseivel d'haver ina scola senza plugls. Mo senza Vus, prezia geniturs, ei quei buca pusseivel! Quei vul dir :

- ***Vus controlleis durant igl onn da scola ina ga ad jamna Vies affon davart lendels ni plugls. Ils lendels veseis Vus bein en cavels schetgs, controllei vadechia per vadechia. Sche vus haveis anflau lendels ni plugls, fagei aschi bien ed informei mei immediatamein!***

Sco responsabla da lendels e plugls sundel jeu cheu per sustener e segidar cun Vus. Nus dil team da controlla vesein ils affons mo cuort durant las controllas en scola. La gronda lavur e responsabladad purteis Vus. Nus essan avisai sin Vies cooperar, ed engraziein a Vus persuerter!

Sche Vus haveis aunc damondas en quei connex, ni sche Vus anfleis lendels ni plugls tier Vies affon, contactei mei. Mia numera ei **078 684 95 24**.

Cordials salids

**Selina Fontana**

Via Pundual 9

7165 Breil/ Brigels



## Infos davart «Scola malgrad corona»

*(infos ord "Scola malgrad corona", DECA GR, 05.08.2021)*

En vesta all'entschatta digl onn da scola 2021/22 suondan differentas informaziuns centralas.

- Las suandontas reglas da cumpurtament e da higiena valan per tuttas persunas el sector da scola:
  - lavar ils mauns regularmein
  - buc dar maun
  - tuoscher e sturnidar el fazalet ni ella foppa dil cumbel
  - respectar la distanza da 1.5 m (denter carschi, affons e carschi)
  - star a casa en cass da simtoms da malsogna
  - buca parter il da magliar e bubrondas
  
- L'obligaziun da purtar mascra en scolas publicas e privatas sin gl'entir areal da scola inclusivamein ellas stanazas d'instrucziun sco era els secturs d'habitar dallas instituziuns dalla scolaziun speciala ei vegnida abolida culs 05.07.2021 era per carschi.
  
- Las recumandaziuns digl Uffeci federal da sanadad (UFS/BAG) valan vinavon: nua che la distanza da 1.5 meters sa buca vegnir risguardada, eis ei da purtar ina mascra ni d'installar ina spartida (p.ex. in veider da protecziun), independentamein sche ina persuna ei virolada ni buc.
  
- Sche persunas carschidas visetan la scola vala vinavon l'obligaziun da purtar mascra per tut ils carschi egl intern dalla scola.
  
- La Confederaziun ha prescret in'obligaziun da purtar mascra pil traffic public. Cun excepziun da transports privats dalla scola (incl. bus exclusivs per viadis da scola) vala per tuts transports cun mieds publics naven da 12 onns in'obligaziun da purtar mascra. L'obligaziun da purtar mascra ei denton abolica en salas da spetga, sin fermadas dil bus e sils perruns. Ils geniturs resp. las persunas responsablas per l'educaziun ston metter a disposiziun las mascras.
  
- Excursiuns, viadis da scola e camps da scola ein pusseivels cun risguardar tuttas mesiras ed ils concepts da protecziun (p.ex. traffic public, casas da camps).
  
- Da niev differenziescha la Confederaziun denter occurrenzas cun e senza certificat da COVID. Purtaders da scola astgan denton buca organiser occurrenzas cun certificat da COVID. Occurrenzas publicas astgan vegnir organisadas – naturalmein cun risguardar las mesiras da protecziun – en localitads internas cun tochen 250 persunas el public, ed el liber cun tochen 500 persunas el public senza obligaziun da seser. Cun obligaziun da seser eis ei lubiu egl intern ed el liber maximalmein 1'000 persunas. Da niev sa vegnir nezegiau duas tiazas dalla capaciad dalla localitad enstagl dalla mesadad sco entochen dacheu. Egl intern vala l'obligaziun da purtar mascra e consumar spisas e bubrondas enten



seser cun pretender las datas da contact. El liber san spisas e bubrondas era vegnir consumdas sin peis e senza pretender las datas da contact.

- Cantar e sunar ei lubiu.
- Ils tests da spida jamnils ein s'integrai spert el mintgadi da scola. In'analisa dalla EMPA – ina partiziun dalla Scola politecnica federala SPF – suttastreha igl effect dils test regulars: dapi l'entschatta dils tests da scola han ins strusch registrau cass da corona, e l'instrucziun da preschientscha ha saviu vegnir mantenida senza interrupziun. La Confederazin ed ils cantuns prevesan ch'ils tests da scola cuntinueschan entochen la primavera 2022. Ulteriuras informaziuns pertuccont il proceder detagliau suondan.
- Informaziuns actualas pertuccont la scola ein d'anflar cheu <https://www.gr.ch/RM/instituziuns/administraziun/ekud/avs/Seiten/startseite.aspx>